



東江詩鈔卷第八

太倉唐孫華實君橐

受業陸

師巢

雲編

抱灌軒雜興

野岸青蕪合茅齋白日長  
草深難覓路樹密不成行  
枝  
夏風鳴竹檐虛雨入廊  
衰年疲應接只合老江鄉  
鄰圃遙相接虛亭衆綠圍  
櫻桃時正熟豆莢雨初肥  
徑僻通來往村間少是非  
過從多野老坐對語忘機

連雨

黑雲蔽曾穹急雨駭瀟澆  
金鴉濕不翔纖阿逝安適  
冥冥失昏曉泫泫竟日夕  
貧突斷炊煙陋巷少行跡  
平陸



將行舟階除但響屐漂搖杜陵茅狼籍文通麥潮連海  
氣黃風捲浪花白膏潤由彼蒼母乃濫恩澤跳舞恣魚  
鰕呼鳴沸蠹蝨豈知隴畔夫隱憂在墊溺頗聞淮北旱  
阪田欲龜坼吾鄉本沮洳百川愁汎溢宜使挹注均彼  
此遂畊穫天意知如何默默坐歎息

玫瑰

和友人詩

籬落尋常種瓊瑰浪得名聞香甘醞蜜駐色擣和飴避  
刺褰衣摘眠鬢壓枕輕偏宜閨閣愛兒女最留情

鮒魚

聲價伊鮒重

似鮒魚

江鄉薦味新取腴餐耐骨惜美煮兼

鱗防餒冰花護遮頭柳葉勻家家石首饜此物尚稱珍

麥蠶

夏穉將成候蠕蠕綠滿匙色鮮如乍浴縷細欲抽絲軟  
喜登盤早織疑上箔遲甸人初獻麥正是采桑時

夏日小雨

生平畏炎夏晝長不可度赤燠有張弛涼飈生遠樹清  
雲時往來斜陽照疎雨颯然如已秋輕扇屏紋素茗粥  
幸麤供餘事非所慕展書竟忘疲賞心時一遇徐起視  
庭陰黯黯日將暮

輓錢再亭京兆

清卿才譽重巖廊京尹丰稜比趙張三輔移風傳約束  
四方動色誦封章活人共賴黔敖粥濟物思開汲黯倉

知有遺民修巷祭富春江畔是桐鄉

曾為富陽令

育嬰堂得一女軒渠笑悅秀慧可喜葛韋齋廣文見而異之因撫之為女賀之以詩

眉眼清妍骨相殊采芝何必問根株乍離葦篋驚頭玉才脫泥塗即掌珠弱女先教娛靖節多男行復慰商瞿投懷一笑由天合拾取嬌凰引鳳雛

輓王南湖郡丞

軒然玉立出人群富貴俄看過眼雲礧礧難平肝膽在交游雖雜品流分常情豈盡祛三惑正氣終能壯一軍阿鶩悲啼兒女泣重泉何路遣相聞

籠霄勝氣亘長虹共許他年位望通材比淵阿鋒太甚

胸無城府物旋融一官跋涉翻成病萬事縈纏不悟空蕉鹿早知宵夢短驪駒何苦別恩恩

次和酬愷功院長見懷一百韻

咳唾天邊落音書野外遲瑤華煩遠寄瓊樹最相思避世東方朔忘形南郭綦功名成昔夢爛笏散兒嬉研席思歡聚篇章互贈貽灰心吾兀兀勤業爾孜孜斐几同攤卷甘泉共酌蠡勝流宗北海高會集南皮字做鵝群帖文成雞卵碑見晉書戴逵傳六經裁衆說三史析群疑上相推門第周廬豈職司紛華捐嗜好理義問津涯目訝連行下辭非倩手為風謠窮正變體製辨淳漓威鳳終摩漢神駒不受羈名園對晡曖曲沼蕩淪漪神美如新柳

心舒異卷施無慚鄴下作誰數蔡家兒英利初研刃聰  
明脫穎錐朱絃流逸響白壁絕微疵觸長真吾友因心  
不待師挾輶君自壯菟乘我先疲未厭侯羸老能容懷  
祖癡堆槃珍果美稱體紵衣宜精鏹時分給華鑣許借  
騎才應趨鶴禁賦合奏龍池地迴星辰逼天垂雨露滋  
暫時聊隱豹暇日共聽鸚異敏通淵照微長取管窺西  
山招翠靄南陌接逶迤自愛興居適何愁寒暑移雜花  
翻煖豔遠樹送涼颼爽夕聞清籟晴檐曝晚曦轉胞慵  
數起皺手未停披倦讀嘗燒髮劉孝標事微吟每斷髭耽書  
真帶癖鬪韻比爭碁幸有梁園樂都忘越客悲荀郎誇  
少貴洗馬羨風姿室藹芝蘭氣家傳孝友規爐煙縈甲

煎硯匣暎琉璃燕坐如齋肅賓筵厭舞傲誰汙江敷榻  
常閉董生帷牕靜嵐光入林踈月影篩拂箋鋪淨滑搖  
管散英蕤源本揆周雅芬香擷楚詞文瀾驚滉瀆墨浪  
注灑澌閣用藜燃火廚羞蠟代炊彥昇新有筆近作古文甚佳

康樂久稱詩君喜先鳴早余慚再鼓衰每聞頻換綬無  
復共銜卮雲罕時陪從星輶數載馳涼陁張毳幕絕漠  
度駮驪馬邑銷殘壘龍庭訪故祠鑿冰充茗飲梯木陟  
高危莫憚勤勞慣仍誇際遇竒遲歸分禁燭宣 召趣  
金羈造膝依丹地承恩上赤墀金鑿居首席玉笋競肩  
隨自愧孤生竹難縲獨繭絲苑枯根種別升墜道塗岐  
拂袖辭閭闔還家臥水湄僕僮嫌欲去僚友棄如遺挂

誤緣疎拙咨詢荷 聖慈曾蒙語垂問天始知登仕路終是

藉門基烏鵲徒三匝鷦鷯但一枝玉沉同瓦礫荃化委

茅茨屋借藤蘿補牀將錦石支悠悠常若此惘惘欲何

之持斧因芟樹腰鎌為刈葵歸田事農扈擊壤頌伊祁

華茂看榮木蕭條賦病梨齒從前日落髡異昔年緇軒

冕誠何有林苻偶自怡罷官閒亦得懷友見無期白簟

供高枕青松挂接籬任教藜榻敝休乞草堂資詹尹方

端策文君早遇著文君為我端著見張平子賦恩淡瞻北闕身遠落

南陲歲歉逢淫潦塗窮即險巖江南大水田皆漂没陌頭驅殼鯨

簷畔聽芻尼藏經呼喜鵲為芻尼稻壠連河沒葭牆帶戶敲寢驚

愁壓溺室小厭喧早日出江雲翳風狂海浪吹懶擡看

世眼常蹙向隅眉羽扇三秋氣羊裘五月時五月甚寒文難

通狗監友欲訪牛醫衣帶頻年緩形容逐歲虧清狂踈

禮法褻袒闕威儀頗戀桃笙穩行煩竹杖持徵求貧到

骨關鬲冷侵脾良會曾交臂微言各解頤未隨劉尹舫

劉惔遇張憑便與同載至都空盼陸郎騅寵渥人誰並文章世共推

近聞星使節遠至下句麗高麗曾改名下句麗見漢書不羨金如粟

居然橐竟垂聞卻高麗餽物山川雲縹渺鷓鴣影參差老欲謀

魚麥飢難問肉糜采蕭嗟久別贈藥感將離舊客存枚

乘新篇愛項斯索居無善狀聊報故人知

附錄原倡高麗使館中作揆叙

持節朱蒙遠停車白日遲恒牽行客夢彌軫哲人思

自昔陪歡賞終年接履綦晨昏勤砥礪寒暑共娛嬉  
經向窗前授書從帳裏貽藝林頻矻矻藻苑競孜孜  
敢冀升堂奧惟期測管蠡裙新書白練几淨拭烏皮  
泛覽周南史流觀洛下碑陳編容蠹蝕竒字質狐疑  
淹博推劉杳清華替左司文峰高莫竝學海浩無涯  
撰述嘉名著詞章餘事爲敲銅元敏捷染翰獨淋漓  
巧類衣無縫豪踰馬不羈繁英爭爛熳曲沼映漣漪  
逸韻飄蘭蕙詞場埽菘菹靈均堪命僕德祖合稱兒  
自愧頑如石淡慙利若錐雙聲糾錯繆八病指瑕疵  
曾勉三冬學非同一字師微哦先失喜雜誦竟忘疲  
娛我如黃嬾從人笑白癡城闈情已適郊墅興偏宜

紫陌常偕出金鞍每並騎尋芳穿小徑袂袂向通池  
柳借和風軟花含宿雨滋班荆依碧草把酒聽黃鸝  
船度魚知避窗開鶴解窺韶華仍澹沲麗景漸逶迤  
席爲臨流設牀因選樹移西山招爽氣北牖納涼颼  
素節回招矩朱炎謝赫曦梧桐陰錯落菡萏影敷披  
延客開青眼謂他山師留僧對赤頰謂輪菴升沉嗤響卜得

失陋圍碁排日翻嫌短逢秋不解悲菊花呈晚態楓  
葉鬪妍姿玉瑄專調氣銀蟾正滿規畦收紅穉稭池  
鬚碧琉璃都入連宵咏還容屢舞傲沍陰纔應律朔  
氣忽侵帷靄隸雲如纈續紛雪似篩庭空鋪木屑瓦  
冷聚璇玑彷彿王維畫依稀謝女詞林凋封直榦河

凍咽流澌燈熬魚油暗爐添獸炭炊試揮鏤管筆同  
和聚星詩白戰才偏健清吟興未衰迎年齊聽鼓守  
歲共操卮冉冉星霜換騰騰節序馳歡情方狎鷺別  
緒遽歌驪路指滕王閣途經孝肅祠鞋山形峭拔湓  
浦浪驚危懸水窺三疊層峰問九竒搜羅歸卷帙登  
覽忘孤羈再入青門市還登白玉墀銓曹推簡要翰  
苑許追隨每待宮中漏仍封閣上絲班聯方接武行  
役又臨岐判袂燕臺畔持衡浙水湄冰壺人盡仰玉  
尺士無遺步屨尋靈隱肩輿訪淨慈六橋徵故事三  
竺訊遺基夜月潮千丈秋風桂幾枝微官拋組綬初  
服返茅茨閣小迎陽啓廊空倩石支歸田效平子誓

墓比羲之家種王猷竹園滋鮑照葵朝盤堆首蓓夕  
膳煮黎祁沼畔青荷葉枝頭紫爛梨江湖娛釣弋京  
洛厭塵緇好事憑誰過繙書祇自怡五車侔惠子三  
樂媿榮期出戶扶筇杖行田倒接離烟霞陳畫本伏  
臘辦家資辛苦惟嘗蓼窮通豈問著高情棲里閨別  
路向邊陲水涉窮沿溯山行歷嶮巖草枯愁朴渥月  
黑喚伊尼委霰裘偏薄迎風帽屢敲雲淡藏日暗嶺  
峻逼天卑羶覆穹廬重聲哀鬻策吹有沙皆眯目無  
處可伸眉形隔三千里心懸十二時自嗟身是患翻  
悔俗難醫江闊魚書斷天長雁帛虧兩因叨扈從重  
得覩光儀宿好樽前洽新篇意外持鶯花娛耳目冰



雪沁肝脾接席歡携手聯牀笑脫頤含情迴盡舫何  
計駐班駟返轡春光暮嚴裝夏令推逡巡辭易水迢  
遞涉高麗山接金郊秀泉凝玉溜垂清川波浩渺松  
岳勢參差歷境增聞見祛煩乏茗糜舊遊多撥觸昨  
夢轉迷離隔闊還如此淹留獨在斯新羅與茂苑兩  
地不相知

秋日酷暑焦旱偶成

執熱何時休延首望西顛如何秋序至金弱火彌燥零  
雨無涓滴百物盡枯槁刺體憎粘滯流汗怯織縞竒峰  
散層雲長河涸水草有時雷殷殷俄變日杲杲土龍竟  
無靈空煩舞雩禱人事安所施吁嗟仰蒼昊

初夏苦淫霖百川漲皆滿窪田成通渠漂沒不可算及  
茲兩月晴臯壤焦禾稈游雲不遮日皸皸張火繖招矩  
怯不前赤爍氣轉悍人作鳧鳥語苗如吳髮短餓死亦  
尋常炊煙幸未斷那將方寸心愁水復愁旱

皇天無膏澤何有地上毛桔槔喧晝夜念此農夫勞火  
雲時往來炎風烈如燒閨中有病婦咄嗟相煎熬我命  
當孤窮隨逐得汝曹俯仰迫身世內熱增鬱陶室家實  
杻械拳桎安能逃思欲棄妻子汗漫從盧敖

吾嘗聞月令七月來涼風及茲七月杪蘊隆益蟲蟲川  
渠斷舟楫良田沒蒿蓬愧非東先生無由格蒼穹朝驚  
初日赤暮見鮮霞紅微軀恐銷鑠將爲大冶銅所憂蒸

病骨豈獨愁三農安得費長房一喚葛陂龍

秋日集興福禪院

近郭通禪徑疎林帶寺橋谿風吹客鬢茗鼎沸僧寮已

許炊香積兼容挈酒瓢萬園携酒至我來非聽法詩句問參

寥

久負支郎約今來竹院遊薄雲村樹暝落葉寺門秋禪

悟通風雅清才遇釋流文章留一老欲訪白蘋洲謂賞洲先

生

孟冬集懷雪堂各咏一物分得衲

世界藏鍼孔見東坡磨衲贊寬裁稱體宜禪關和雪擁山路帶

雲披寒重煩裝絮塵空不染緇紅樓方競逐休羨紫衣

師東南名緇方馳騫京輦並

訓徐賞洲侍郎

東南山水推吳興重巒迴複湖光澄孕奇鍾秀異人出

詞華哲匠多精能先生崛起持文柄下視沈約羞徐陵

玉堂制作須巨手辟雍講席臯比登鎖院掄材秉藻鑑

英賢濟濟同時升姜查二子名久宿西溟他山與我向作忘

形朋數奇一旦遇知己翻然如掣鞬中鷹好友遭逢等

身受使我意氣皆飛騰拔奇一二勝千百胡然白壁來

蒼蠅二子詩文我所畏韓門籍湜由師承如公絕學豈

易得蘭臺玉局職所應况今史事久未就非公鴻筆誰

能勝餐錢果餅日糜費深恐天闕殘谿藤惜公高卧滄

江側蕭閒徒飽苔溪菱令子鑿坡幸接武班劉家學還  
相仍禁近回翔負公望歸院常撤金蓮燈公年八十正  
強健煙霞鶴骨猶峻嶒華宗別挺緇林秀行高不羨紅  
樓僧偶然駐錫到敝邑微言坐對開昏憒示我新詩屢  
三復瑩如寒玉清如水河東先生得文郁不加譏怪頻  
嗟稱見柳河東辱公詩句遙相憶獨愧輟業耕溝塍宦  
學無成今已老秋髮垂耳頭鬚鬢寄語眠餐好自愛當  
今文獻惟公憑欲誦高唱短才力敢以斥鷃追雲鵬

含章上人閉關三年於解關日乞詩

丈室容趺坐蕭然几榻幽鐘魚消旦暮草木變春秋人  
影閒階寂清言隔戶酬定中應得悟星燧已三周

和同年狄向濤太史園居

柳柴

柳塘漫春流徑曲平橋渡山鳥導我前花源此得路

詩夢草堂

碎錦何人授詩人一枕清池塘方得句啼鳥莫相驚

款竹步

看竹休竟去主人亦復佳言詠答清籟竹風與之偕

響臻樓

高樓騁遠目歷歷煙中樹書畫任摩挲但勿沾寒具

杏花春雨林亭

杏靨笑春風亦復宜絲雨綺態不分明濛濛起紅霧

海棠塢

國色閔溪崖見人如欲避銀燈莫漫燒只恐妨花睡

高靜閣

靈媧留墜石宋室想遺忠何事梁朝客奇礪詫到公

花梁

臨水弄新妝夭桃如少女橋外立千姝竝在花溪處

櫻桃徑

霏紅亂繁枝交柯行路仄持比鄭櫻桃一種好顏色

漁唱亭

柳港曲通舟溪光蕩斜日時有葦間人延緣唱歌出

題同年狄向濤太史扁舟載花圖

海棠出西川色香雙擅美獨立羣籬中凡豔羞紅紫虎  
丘三月時山塘盛花市萬錢索高價過者但凝視時流  
逐近翫捆載收桃李吾友性愛花題品貴清綺片帆隨  
春風扁舟杙川汜獨采殊尤姿衆葩斥妖靡畫舫映清  
簾花光蕩流水彷彿五湖人一舸載西子有若迎莫愁  
兩槳去迤邐又如羊侃舟羅列娉婷妓名花自矜貴不  
受屠沽喜得蒙君子憐花亦感知已豈無富豪家園林  
盛華蕊酒肉一晌歡零落委荆杞何殊明妃貌終抱呼  
韓耻花得同君歸水牕弄旖旎篷底半低垂嬌酣呼不  
起新婦配叅軍兩美正相倚花枝置兩頭中間列文史  
嫣然花一笑宛若啓玉齒縹緲想仙舟見之圖畫裏

燈簾歌

為同年秋向  
濤太史賦

西園清夜天無風更籌初下傳霜鐘主人張飲客未醉  
攢枝寶炬珠簾烘翦羅疊玉逞新樣紛紛燈市趨吳儂

見范石湖  
燈市詞

雖窮雕鏤質脆薄姑蘇製作慚非工何似錦

堂施設好蠟胎結就光瞳矐大珠小珠玉盤泣燭龍銜  
出鮫人宮巧匠經營金縷細散璣百琲穿玲瓏鳳蠟宵  
長猶未跋錯刀頻剪釵頭蟲十丈遙連雲母障千巡滿  
引琉璃鐘煙靄沉香失庭燎燄搖菡萏羞芙蓉銀蒜垂  
垂波影亂須臾明月升長空燭樹冰輪互閃爍姮娥卻  
避星球紅舞衫歌扇燈前出恍惚綃縠花枝蒙遠輝林  
樹妨宿鳥倒射水府愁眠龍翡翠屏開春漠漠珊瑚鈎

捲香濛濛翻愁烏啼天易曙金鴉騰翥虞淵東却晒夏  
侯太寒乞殘妝掩映簾衣中

歲暮餉周礫圃酒米

頽齡畏急景殘歲又將除我貧轉刺促念君復何如朔  
風吹南巷生事日蕭疎老謝扶風帳窮安玉川居索米  
默不應危襟方讀書我有二頃田強半荒畝畬資身誠  
獲落比君似有餘輸官得羨粟斗酒婦所儲聊將持贈  
君不復陳牲魚想當祭竈畢盈杯浮玉蛆陶然致一醉  
萬事真土苴

乙酉元旦

烏兔天邊迅若飛千門紅帖映朝暉冬温瓦隴霜華薄

歲儉街頭爆竹稀  
栢葉杯觴須客到  
梅花消息待春歸  
衰年報謁心情嬾  
欲取丸泥錮兩扉

餘年生計老鉏耘  
占歲田家訪舊聞  
絕訝經冬無雨雪  
幸看終日有風雲

史記天官書正月旦欲終日有雨有雲有風有日

光浮蕙草

遲春信凍解蒲根  
漾水紋謝客閒  
牕無箇事一編試手  
理殘芸

### 過雙鳳法輪寺訪惟岳師

古寺尋橋入居然  
寮宇寬多年材木壞  
何日旣塗完香積  
炊煙冷荒村乞米難  
聊持一囊粟爲爾續  
朝餐戒律知清苦何能  
化俗頑榆風吹石徑  
竹雨閉禪關謝客仍  
多忌爲僧尚不閒手  
栽叢桂好無使路人攀

周礫圃家貧年老歲暮刺促州侯茹公以俸錢及酒米相餉礫圃有詩致謝同人竝感高義作詩紀之余亦同賦

趙壹囊空冷爨煙  
飢腸愁眼逼殘年  
道州本自能周急

不學陳萇譽俸錢

陽城官諫議有陳萇者侯其得俸輒往稱錢之美月有獲焉

清濁何須仔細分  
破寒良策賴微醺  
使君情意濃於酒  
急起開嘗對馬軍

富室誰分雁鷺糧  
頒來玉粒晚杭香  
絕勝飯顆山頭叟

升斗朝朝糴太倉

### 登靈巖有懷館娃宮遺事

浣紗顚顚越溪濱  
一入吳宮作貴嬪  
烏喙原無悅已感

蛾眉自戀主恩新玉兒猶殉亡齊節西子寧為賣國人  
莫信鴟夷隨一舸虛疑少伯似巫臣

茹明府招同侍講王麓臺大鴻臚宋堅齋侍御陸  
匪莪太學高槎客飲虎丘梅花樓

巖路驂駢得暫停故人相見眼終青 宸遊望幸當三

月使節先馳驗二星

麓臺堅齋皆扈  
蹕奉命先至

嵐氣連雲陰敞閣

花枝帶雨照山亭獨憐野老甘疎放泛愛仍容醉醪醑

泊舟惠山下汲泉煮茗

連朝飲河水河水濁如泔舟居無他惡惟此頗不堪曾  
聞虎丘泉泉品推第三昨從劔池過池水黝且藍畏之  
不敢汲恐是蛟龍潭今泊惠山下晴光破朝嵐陟山不

半里石窪見渟涵往來任挹注負重疲丁男而我鼯鼠  
腹少取未為貪餅罌初洗滌聊煩兩夫擔竹爐置船頭  
活火風吹燂須臾入茗椀泉味果清甘石髓出靈液醉  
夢醒昏酣瓢飲固吾分醇醲非所耽安得移茶竈山前  
結茆菴

送吳振西北遊

紛紛輪轂走神京秋卷爭邀月旦評東箭南金誰國士  
畫龍刻鵠半虛名緹藏燕石何人顧光是隨珠始夜明  
望實如君真不愧即看聲譽動公卿

內外家聲尺五天延陵貴胄比秦川王筠風韻同袁粲  
楊惲文章類馬遷抱璞已當三獻後勸行早在十年前

只今決筴應非晚，乍整蘭筋看著鞭。  
曳裾文士滿長安，末伎鴻都競拜官。  
終待科名方接武，不由場屋莫彈冠。  
三條樺燭藜光助，千佛名經藥榜看。  
詞賦逢人休浪擲，好留綵筆直金鑾。  
晨昏顧戀久蹉跎，無奈高堂髡髮皤。  
游子情懷懸問寢，老人心事重登科。  
音書附舶江南近，名士空群冀北多。  
但使遄歸看畫錦，板輿花下樂如何。

哭大兄允中

早年失母竝孤嫗，辛苦相依共短檠。  
夜帳霜寒牽絮被，朝廚煙冷待菁羹。  
書籤黃卷窮千軸，博士青衫斬一名。  
彷彿夢魂懷遠驛，瀟瀟風雨對牀聲。

衡門兩版謝塵喧，和厚天然氣性溫。  
隨俗亦能諧語笑，逢人未解道寒暄。  
町畦自昔胸無別，臧否生平口不言。  
沒齒人爭推善士，始知用拙道逾尊。

文苑名場技有餘，晚歸正覺悟三車。  
六時勤禮蓮花座，五夜頻繙貝葉書。  
議食未嘗除肉味，關齋何必定葵蔬。  
赤髭緇侶翻堪笑，奔走塵埃盡不如。  
儒術終虛稽古榮，譚經絳帳自鏗鏗。  
撐腸文字仍憂餒，臄脯纖微即代畊。  
歷齒蓬頭慚壯子，束芻絮酒荷門生。  
白頭兄弟相依切，零落田家舊紫荆。

有悟

物盛從來勢必衰，全家競羨印累累。  
填腸滿膝心何厭



剽市按牢算不遺早識銅山終應洛何須金塢定營郾  
清風一榻書千卷正是高人嘯詠時

中外謀成三窟憑崢嶸頭角氣驕矜爭門奪隘非無力  
跨海移山取次能專欲任從朝野罵害盈終使鬼神憎  
立身穩處惟廉讓百尺危幢莫漫登

有人贈百瓣荷花三莖云得之嘉定槎谿名西番  
蓮蓋奇種也供膽瓶中老友周礫圃張彤友見而

異之為賦此詩

吾鄉洲渚多蓮萼翠扇叢中香漠漠卷舒花瓣苦無多  
宛似佳人紅袖薄吳娃傍晚蕩舟回撥觸柔夷半凋落  
埤雅空聞百葉名陸農師埤雅云花之大者至有百葉歷遍陂池何處索

有客攜從南浦來贈貽珍重比瓊瑰爍霞映日看初吐  
抱蕊含香半未開密掩芳心藏苦韻橫披散綺結重臺  
層層淡護嬌嬈面簇簇攢成錦繡堆凡種空憐塞沼汙  
未落蓮衣見蓮子天寒日暮不成妝一笑嫣然露齟齬  
何如奇蘂出殊鄉百疊芙蓉可製裳埤雅云楚詞芙蓉即今荷花包

裹却如纏寶袜周遮全不見鬚房二老來看俱白首照  
眼生平得未有藕塘片片落秋風幾見花開大如斗三  
株斜插晚牕前遙想槎溪紅滿川安得聳身凌泰華一  
看十丈峰頭蓮

言上海李明府有序

上海李鹿友明府在任三年政聲籍甚予於其初

任時曾一往省之留半日而去自後絕不往見亦  
從無一事請託蓋引分避嫌道宜然也未幾竟以  
清介嫉惡彊直自遂被劾罷官追惟古人有弔失  
位之義乃往一見作詩二章以言之

三年不到海邊城急浪迴颿觸眼驚砥節久逢劉類怒  
分憂誰作賈彪行避嫌昔自疎官長遇難今仍念友生  
涇渭濁清那可辨留將遺愛付輿評

書生原不合時宜儒術迂踈世共嗤自古上官須善事  
於今廉吏更難為逢迎未滿親朋意清白徒蒙父老知  
歸去青氊依舊在一經尚可作人師

將至上海泊嘉定柵橋欲渡吳淞江阻風却就肩

輿行三十餘里途中即目

迴風阻孤櫂波浪正奔渾烏榜停煙渚籃輿過水村禾  
生稀似髮樹倒半留根歲事那堪問蓬蒿翳葦門

陸行逢盛暑猶喜逐涼颿過客休林樾村農說市朝潮  
生沙上樹雨甚水平橋甚雨見左傳雉堞參差見征途未覺

遙

秣陵太守行

太守陳鵬年湖廣湘潭人辛未進士

秣陵太守今召杜材產荆南行鄒魯心似寒泉徹底清  
只把窮黎手摩拊官廚索寞賸壘鹽妓館蕭條斥歌舞  
政聲早溢石頭城比屋年來增襦袴褰帷共喜識神君  
但嫌太守來何暮大吏橫飛白簡霜倉皇便解腰間章

不知所坐竟何事大家小戶皆驚惶商賈爲罷市農夫  
爲輟耕士人廢書歎何用求科名嗟嗟太守仁且清墮  
書宜褒異增秩比公卿不爾亦堪拜水衡一朝無事來  
彈劾浮雲黯淡日無色直須蹻跼抵廉貞翻指由夷作  
貪墨麒麟疑不祥鸞鳳遭置弋嗚呼太守方繫拘可憐  
褚橐無錙銖爭言太守真父母奪我父母民羈孤民生  
長養由父母父母無食民當舖或餽一斗粟或投一束  
芻或獻肉一豆或餉酒一壺太守無錢日醉飽安用篋  
箱錯落堆金珠足知斯民三代直天鑒可蔽民難誣吁  
嗟乎治道從來關守令激揚全賴官評正只今流品溷  
淄澗到處相逢說苛政太守去官名益高三褫榮逾錫

九命獨悲廉吏急驅除何不留取斯人活百姓

六月二十一日紀異和周礫圃

去冬無雪聞殷雷陽氣不收占水災三春爛熳晴偏久  
乾風捲地吹黃埃焦曠田家望雨切誰知雨至無斷絕  
五月川溝平六月隄岸決涔涔漏天不肯晴豐隆晝夜  
聲砰訇禾苗漂沒木棉爛金鴉斂翅韜光明忽然破柱  
驚霹靂紫電劃空半天赤須臾飛雹挾狂飈亂射軒牕  
撼牆壁或疑長平金鼓碎屋瓦或疑女媧墜下補天石  
渠塘頃刻翻波濤魚鼈驚淦鼉驕厚地平抽十圍樹  
村居盡捲三重茅簷溜鏗錚厭淫雨小民何罪干天怒  
即今無計辦官租敢望私家餘二鬴傳聞淮北更堪傷

金隄千丈裂河防雜沓流尸蔽河下勢踰淮堰決蕭梁  
可憐黔首紛如螳草索相連一時死人盡雞犬盡漂沈  
月黑羈魂哭煙水吾鄉僅止荒菑畬民生猶免飽鯨魚  
飢窮聚首有妻子風雨藏身尚室廬嗚呼皇天方降酷  
一荒苟活寧非福水沒堂坳枕篔簹乾半菽麤供吾亦足  
送郁庭望學博之任通州兼柬周西園孝廉  
文章曾是動中丞庭訓家規自昔承貫酒權分博士俸  
讀書仍暎講堂燈三更海月升高閣八月秋濤到廣陵  
最喜白雲親舍近板輿興至得時乘

汝南世戚舊家聲少俊登堂倚老成楊惲有書傳外祖

謂東岡先生

王融同載得賢甥

王融愛其甥劉孝綽每同載訪友謂西園

看潮連

騎時相挈伏臘分羊幸免爭較算廣文今最好居官仍  
似在家清

### 壽王冰菴太守五十韻

符采停鸞秀高閒立鶴姿悟從夙慧得書自弱齡披鋒  
淬新研刃才標脫穎錐大科華閥繼絕學曲臺推把卷  
襟情適澄懷世事遺固宜登翰苑豈合廁曹司講席儒  
璫冷籬門窟室卑僕僮嫌寂寞導從缺威儀月俸分紅  
粟晨餐薦綠葵室甘懸磬乏身等繫匏羈伏臘頌羊瘦  
朝參借馬騎地輕無指摘歲滿有遷移郎署淹三載雄  
區試一麾名城傳少伯仙宅接微之傑閣臨秦望靈編  
訪宛委稽山高截葉鏡水蕩連漪澹泊安吾素脂膏敢

自私寬廉劉寵志清淨蓋公師俗厭商君法人依杜母  
慈文章化喬野煦嫗恤罷羸孤立惟行意周旋實有虧  
官評淆黑白流品溷澗淄由實時多徑他途義不爲金  
憑衆口鑠毛任索癥吹正坐逢迎嬾何關治行疵時余  
司考課爲爾獨嗟咨大吏飛文枉銓衡畫諾隨近例大計疏上  
惟薦舉得行駁正九閭淡誅蕩八法長奸欺蹻跼爭延  
餘署成案而已  
譽由夷被詆謫人心雖共惜公道竟安施當戶鉏蘭蕙  
充途養棘蕘但知推武健何計起瘡痍垂橐看瀟灑攀  
車感涕洟去無三宿戀送有百錢齎居職貧如故歸田  
理亦宜祇餘松徑在不辦草堂賢老屋藤蘿補疎簾荻  
葦垂誰過揚子宅常閉董生帷借米供朝爨鈔書映晚

曦學從靜裏細句向淡中竒憶昔牽塵鞅相憐竝旅羈  
西園常共讌東閣得同窺芍藥豐臺路芙蓉淥水陂從  
容依廣廈偃息廕華榭誰料孫弘客俄銜謝傅悲班資  
分內外蹤跡遂差池久有同歸興誰思好爵縻當君旋  
里日是我左官時勝引多攜手微言各解頤兩窮堪結  
侶五字可論詩末學聊闕管洪波漫測蠡拙曾嗤仕宦  
巧獨占文辭殿省當時貴名山後代知欲翻鯨海浪一  
雪雁門蹄漢書段會宗傳足以復雁門之蹄蹄謂蹄雲  
隻不偶也會宗嘗爲雁門太守坐法免官雲  
構般輪斧騷壇大將旗才終分斗石聲敢應壘篋却掃  
門如水懸弧髣未絲德從先世種穀自後人詒潘岳雖  
無婦商瞿必有兒已栽三島樹仙果莫嫌遲

壽倪草亭七十

青衫席帽久纏身鎖院名場憶苦辛  
冰雪文章難入俗煙霞詩句不猶人  
蘧廬天地終須老書卷生涯自古貧  
後輩莫欺秋鬢短酒酣經史尚紛綸

錢瞿亭舍人輓詩

君家秦川貴累葉乘朱轡自幼失嚴父  
弱冠持家門承師奉函席侍母升輕軒  
約束戒僮隸儉豆洽弟昆辟雍擅英譽  
相期早飛騫竟踈千里足未能絕塵奔  
投牒得一官棲遲戀晨昏起居視色笑  
冬夏潔清溫傳家習華膺服食擬王孫  
盈樽傾北海飛蓋集西園歌聲按銀雁  
舞袖翩遊鷗林容花似繡峰勢石能言  
客至每忘返十

日滯平原晚年迫多故力瘁向平婚  
外觀尚崇廓名高實不存向予頻歎息  
恨無忘憂萱嗟我與君交相應箴與  
壘俯仰數十載初不間寒暄我觀友朋  
中古處惟君敦損已不求益卑躬自忘  
尊新詩擊鉢就邀我與細論曾未及中  
歲竟遊岱宗魂賴君多令子國器竝瓊  
璠連翩曳華黻俱承聖主恩獨悲君早  
逝淒涼哭陳根

東江詩鈔卷第八

東江詩鈔卷第九

太倉唐孫華實君橐

受業陸

師巢雲編

九月十八日高詠堂小集分韻得平字

秋氣忽淒厲感此長年情階前兩病樹孤根無久榮商  
風一蕭颯衆葉策策鳴草木亦乘時逢辰吐華英揚芳  
苦不早安得長蔥菁我本衡門士晚晚竊一名羈宦那  
可久拂衣且歸耕荏苒老便至仕學兩無成夷險身備  
歷得喪心俱平今茲歲失稔敢厭芋魁羹量力宜知止  
適志在無營幸因年齒暮得使衆嗜輕勿嗟百卉腓庶  
保松柏貞淹時患霖潦仍肯當秋晴霜高萬物肅天清

四野明悄悄夜蛩寂噉噉晨鴻征嘉賓偶然集經史談  
縱橫雖無東籬菊有酒聊共傾

春日病中雜詠

連旬瘦骨苦支離病與春光總不宜蠹篋蛛絲按藥裹  
酒鎗蠟屐負花期親朋零落黃墟隔身世蕭條白髮危  
茗粥三餐兼菜俎更將何物補清羸

一春無復駕巾車冒絮蒙頭困不舒身為晏眠豐暇豫  
腹因斷肉得清虛家人問卜祈延算好友相規罷讀書  
可惜韶光愁裏過落花飛絮滿庭除

日長寂寞臥漳濱牢合雙扉恰二旬道左幸全緣苦李  
廚邊供爨已勞薪靈氛何用謀著策祝史無煩瀆鬼神

但使扶筇還強起一樽猶得餞殘春

和風暖氣日氤氳鳥語鶯啼寂不聞展卷病眸昏似霧  
擁衾殘夢亂如雲經方未信肱三折清瘦潛消臂半分  
自愧靜中無定力撞胸心事尚紛紜

扶攜骨立勉支撐顏面人驚太瘦生久閉帷房真似婦  
難調飢飽復如嬰稍欣葦戶疎綦履厭聽風爐沸藥鑊  
却羨田間多野老往來阡陌杖藜輕

人生憂樂每迴旋椿菌區分亦偶然幸有餘糧支儉歲  
可無薄病壓災年雀羅蛛網幽閒地蝶舞蜂喧長養天  
翻喜衡門清似水黃紬淡擁得高眠

有客



有客就我謀為言將遠行出門向西笑欲造長安城故鄉既偏仄安能守柴荆子既即我謀語子敢不誠浩浩帝城中車馬日砰訇敝衣策蹇衛懷刺謁公卿聞隸竊窺伺斜睨分重輕十謁九不通誰當纒履迎喧闐聲利場八方聚才英行卷壓車軸候門邀題評貴人意不屬一覽目但瞪高談厭狂率拙訥鄙荒傖旅食大不易孤蹤况嫫嫫諸儒排主父僮僕罵侯嬴自非陳孟公難令舉坐驚窮途一失足何異墜崖坑季鷹賦首丘張翰有首丘賦非不念功名出處理則同時來自有成勿如南郡生區區慕上京

喜宮恕堂擢第簡庶常

駒齒先馳三載餘令子先裁我看老驥籟雲初才名久占今詞伯侍從新添行祕書王述每誇兒不若伏滔定詫父何如晉書伏滔呼其子系之曰百人高會天子蘭臺石室須論討莫逐鄒枚賦子虛

喜呂無黨及第

卿雲瑞靄日華邊臚唱聲聞玉陛宣文譽豈關登上第制科自要得名賢五經字待中郎正七略書從子政傳謂晚邨先生寶氣昔年曾聞識好音入耳亦欣然無黨鄉試表策語多

古奧同考不識予特拔之

礫圃過談雙鳳事有感

鳳里吾生長經遊過墓門繚垣千石拱喬木百年存幸

免逃兵火難防是子孫柏庭無處所故鬼哭陳根

東方朔云

柏者鬼之庭也

宰樹何年植陰森檜枯淡牛羊俄上隴鸛雀早辭林俯仰悲時代興衰自古今賈逵碑石在所恨不生金

晉書懷帝

時有魏賈逵石碑生金可採

### 記里中事

膠庠洶洶日揚波歎息無端觸網羅但為人窮輕性命豈知吏法重催科書生群聚遊談出世上危機筆舌多側足焦原輕試險千尋無綆待如何

時事何容口舌爭畏途休作不平鳴藏身複壁疑無地密語登樓怕有聲書牘人方尊獄吏溺冠世久厭儒生

閉門塞竇真良計燕處超然萬慮輕

### 水車行

一月不雨蒸炎熯上田下田禾欲焦東方未明盡室出婦子相呼牽桔槔蓬頭露體鬪輕健三尺青布裁圍腰終朝軋軋直至暮首如鶴啄尻益高麥飯一盂取充腹脣乾不得沾村醪踏車晝夜空辛苦坂田境處猶乾土樹頭隱隱聞雷鳴車上農夫喜欲舞遙指陰雲西北來今夕高眠聽澍雨

### 鋤田行

瀕海高田半鹵瀉木棉初長不滿尺非種相侵易蔓延手把鋤頭那許釋久晴無雨土益乾鋤頭下處如擊石

偏到炎天戶戶忙日午當空火織赤可憐一笠不遮身  
僂背長供紅日炙鋤頭側入不容差誤鋤惟恐傷根芽  
草盡更祈微雨潤眼穿幾日開黃花海風但願無漂蕩  
秋到家家動紡車

壘前韻訓礫圃

羨道俱圍石溪流自繞門荒丘竟烟莽華屋憶生存松  
落全無子桐枯豈有孫應同濯龍樹流血灑蟠根魏武  
伐濯

龍祠樹樹  
皆流血

古木風霜老滄江歲月淡赭鞭方縱斧見王莽傳赤地似焚

林封植猶思昔銷沉豈料今恨無隗炤版壁下早藏金

見晉書  
隗炤傳

戲詠古事

德祖聰明速禍胎文先夫婦寸腸摧有心僅送青衣女

才子捐軀換得來

曹操殺楊修送楊夫人有心青衣二人

閤門驅出後房空一事無情事事同此手自應能作賊  
人間浪說是英雄

躍馬無功老著書敬通才志竟窮居縱饒茅土封侯貴

詎可禁當語百車

見馮衍與任武達書

沈宋才華自絕倫樓頭水鏡品題真一人知己昭容足  
何用明河更問津

題隨菴先生畫

樹色異高低山嵐互迴復神超謝雕飾筆老轉清淑著

墨何用多悠然氣象足境疑華子岡法授車箱谷桃笙  
淨無塵遊戲了三伏想當濡毫時涼風生謾謾此中可  
避世白雲冷心目似有幽人居穿林結茅屋

照孫年五歲日戲堂前偶作

刷翠雙眉玉雪姿堂前跳舞任游嬉平欺兄姊矜儇巧  
遍喚群童聽指麾買得泥車旋便棄拾來竹馬不輕騎  
生憎謝瑗無才思可得生兒似客兒

竹馬用桓  
溫殷浩事

雛鳳嬌癡心尚孩綵衣窄袖稱身裁慣窺賓客逡巡出  
學作官人呵殿來愛搦蘆笙吹短弄日搗腰鼓沸春雷  
阿翁老大無他望只望聰明少蓋才

題吳長卿先生宋相譜冊子

韓王置酒爲銷兵兵去誰知節帥輕盡撤藩籬延敵騎  
忍看銜璧到青城

妝點錢唐作汴州君臣燕喜竟忘讐咸陽巧爲金源計

秦檜當國人不敢  
斥言皆呼爲咸陽良將先教死杜郵

信國遭逢起一經麻鞋奔走歎零丁西臺憑弔唐開府  
碧血千秋照汗青

賈誼文辭本借秦三朝金虎沸宮鄰書成早下銅仙淚  
故老傷心話甲申

斗極銷沉上相星殢宮故鬼泣冬青蘭臺石室俱煙莽

寥落中條修史亭

司空圖有  
修史亭詩

中秋日集汪見三池亭

積雨裁逢此日晴秋光似解主人情園疎落木通山影  
池洗殘荷放月明白石迴廊穿窈窕碧欄砥室俯澄泓  
毛萇神彩渾如舊一笑樽前病體輕謂端峰  
弇洲才筆邈難攀綺麗餘波水一灣老檜尚存劉尹樹  
片峰猶指謝公山文章氣運銷沉後泉石風流想像間  
小割池塘供燕賞偏容我輩縱疎頑見三池亭故  
弇園一隅也  
壽朱雪鴻七十

急裝短袖不宜身風貌居然古逸民有暇偶尋鄰社約  
無求自穩在家貧坐中獨掣談經席雨後爭看墊角巾  
知是天心留碩果行窩到處即陽春

冬日書懷

汪梅嶸  
約題

嚴霜凋百物歲月忽已邁白日下崦嵫盛年不可留避  
寒且瑾戶一編自勘讐往來聞剝啄實苦應接稠思欲  
逃蓬藿棲彼林谷幽淳風久凌替氓俗日已偷漚麻有  
鬪鬪爭桑或尋讎此何預我事慎無即我謀庶能衰老  
子餘年得優游

自古推上腴原不數吳會些窳僅偷生家室鮮藏蓋閭  
左多情游流風習侈汰近復揚其波土木盛雕繪積壤  
糊山川錦繡紛綵繚餘皇張旌旗冶女炫珠貝荒稜時  
一遭俯仰將安賴雖蠲累歲租曾未起凋瘵譬若人中  
乾膚澤乃其外願思古人言為樂無已太

窮冬天地閉霜野色凋枯雖獲一歲稔不償累年逋飢

寒思攘奪往往聚萑苻殺人吏不問誰復憚刑誅綿延  
不早絕滋蔓恐難圖農民舍耒耜化為豺與豕夜聚曉  
輒散聯結實有徒此憂或非小藪澤鄰江湖吾無民社  
責袖手但長吁

少小好文字聰明若可鞭鬪捷童子場濡毫自成篇駸  
駸就道路欲度驂騑前壯志竟不遂浸尋忽華顛古儒  
重經學鄭孔分註箋展卷若有悟輟簡復茫然老至成  
鈍廢行當謝丹鉛汪倫能好我置酒會群賢安問身後  
名一樽餞殘年

張蒿園齋觀離資園圖

園係王元美先生別墅

居然巖壑近城闔想見當年卜築新山徑有花皆蕙芷

市朝何地不荆榛賓朋共賦梁園雪水竹全消庾亮塵  
兄弟才名逢盛世行吟終是異靈均

弇山遺跡半銷磨此地翛然尚礪阿四部文章冊府在  
一丘風月小園多石荒苔蘚峰猶古沼冷芙蓉水自波  
二百年來陵谷改畫圖莫訝稍差訛

三徑何妨略改移橋通步屨入疎籬王維亭館今餘幾  
張緒風流又一時花好爲添新綺樹月來仍映舊清池  
羨君燕處離塵網芳草無因怨菘菘

舍南舍北總嚙喧長掩雙扉寂似村惡草只今仍塞路  
芳蘭自古忌當門藥欄花嶼供賓客蕙畝芝田長子孫  
半樹斜陽如勸飲遲歸且復盡餘樽

壽郭雉先七十

城南蕭灑得吾廬清德如村處士餘如村斯士先地下生齋名也

早揮金椀淚井中重洗鐵函書敢邀榮祿違先志薄有

田園足隱居細字巾箱殘卷在傳家經訓是菑畲

謀生竈就一菟裘寢食寬閒得自由小圃雨滋蔬甲長

平田水滿稻花秋不須帶劍隨翁伯郭解字翁伯絕勝乘軒

擁細侯郭侯字塵土功名那挂眼角巾先世舊風流

草聖祠在常熟直水張氏所建

丹雘初看祠廟成墨池能事最縱橫九天鸞鶴濡頭下

百變蛟龍運腕生卑官曾為常熟尉高名獨擅太湖精

李頎贈張顛詩皓首窮草隸時稱太湖精遙遙華胄人誰辨應似林宗問阿

貞見北齊書

寒食日泊舟惠山對雨

暫卸征帆泊水濱輕埃微雨正紛紛風來忽颭沿溪柳

煙起疑添別岫雲坐繫衰翁愁白髮驚迴遊女濕紅裙

連舟同伴知何往惆悵孤鴻每失群

生公臺畔厭繁華且泊梁谿占淺沙雲起時從青嶂出

嵐光不受絳樓遮絲瓶競挈人沽酒石礧分斟客試茶

獨惜來遲春較晚冥冥細雨落桃花

終朝溜雨響潺潺石徑沾泥竟未攀溪宿無妨高臥穩

舟居差較在家閒長年飽飯惟擔水永日繙書正面山

翻覺吾廬輸好景紅欄橋畔綠楊灣

薄暮偕王素巖太史遊惠山坐石論詩

懶躡層臺迴斜穿曲徑行同來山礪夜祇失月華明亂石高無路流泉細有聲論文如不厭小坐淺坡平

顧端文公祠

斗杓當代擅聲華俎豆江干歲月遐文舉才高多忤物太丘道廣亦藏瑕流傳壇墀朋徒滿棄置邊疆黨議譁國論是非終未定憑將青史辯忠邪

黨人南北始甘陵未必名賢合一朋正氣共知歸洛蜀品流獨惜混淄澠異時虎口遭王甫當日龍門重李膺猶幸早騎箕尾去不同忠憲赤車徵

高忠憲公與公同里死於魏璫之難

舟雨遣悶

風吹船背雨廉纖敲坐橫眠也不厭且喜篷牕當翠巘恰如水閣挂青簾槃供春筍蔬羹美爐煮清泉茗味甜山色陰晴看盡好纜維判作一旬淹

滄江久臥隔朝班老避喧闐滯水灣擊汰怕衝風逆浪鈎簾閒看雨皴山逢時少俊承新寵得路親交換舊顏却笑儒生思獻賦欲持片紙撼天關

有感明季黨事二十二韻

明季當神廟人情逐黨同清流殊挺拔僚案失和衷三案喧脣敝千章聒耳聾邊防談笑外國議是非中誰使緘防口姑令瑱塞聰羣言皆寢閣萬事益荒叢氣槩門牆峻交遊寰海通聲名驥尾附假竊虎皮蒙璜館權方



投膺滂道轉窮鄭朋翻媚顯郝慮早讒融羽翼東林廣  
鷗張北寺雄驍騰多宋鵲指喉聽梅蟲斥埃頻傳警宮  
鄰祗內訌關城各解甲朝署尚彎弓勢急猱升木防疎  
雉罹置源流復社接壁壘浙人攻變態紛離合相傾竟  
始終蜩蟬音響歌蠻觸戰場空各自愁翻手其誰念匪  
躬廟堂曾誤國溝瀆枉埋忠矯激誠何濟煩言豈論功  
汗青何日就珥筆待虛公

陪座主通政任公飲同年惠沛蒼刑部寓齋

函丈追陪笑語親瑠盤綺食咄嗟陳同年憐我成逋客  
異地煩君作主人繫舫恰依鄰巷近行廚仍抵在家珍  
黃壚酒伴多零落珍重蘧廬寄寓身時聞同年吳西齋之計

毘陵舟中聞同年吳西齋給諫訃

年少科名昨夢虛錦溪才筆玉溪如錦溪君所居地名一官翻

使田廬廢三爵多防口語疎輕豔早誇驚蛺蝶老蒼猶

待掣鯨魚篋中遺藁勤收拾恐有求書使者車君奉命修書

春風忽已敗叢蘭回挽曾無九籥丹老母尚銜三月淚

先公未卜一丘安淵阿鋒穎多招謗風絮心情不耐官

同榜少年偏早去水牕惟有涕汎瀾戊辰吾州同年五人君齒最少今逝

者三人矣

泊舟葑溪風雨淒然書悶

鶯花三月正暄妍忽值斜風細雨天輕憤乍施仍冒絮  
袂衣初試又添綿芳春作客同秋士暮景思家倍少年

安得閉門長不出黃紬淡擁日高眠

追輓張烈婦

淮安人太倉黃名山妻

黃童故無雙皎然玉樹姿少小承家學深翰發英詞清  
河有淑女習禮復明詩簾幃晝不捲門牖未曾窺女居  
淮淝濱郎居婁水湄二父敦夙好千里締姻期黃郎家  
素貧迎娶苦無資辭親作秦贅燕婉正相宜願為共命  
鳥永託連理枝成婚未匝歲思親遽南馳閨人意繾綣  
臨發手重持君行念高堂何能強繫維黃郎相慰藉我  
行非久羈暫別歡會長幸勿歎睽離豈料還故鄉一病  
漸尪羸遍請巫咸招博延秦緩醫淮西音信隔邈若在  
天涯思婦日凝盼寂寞守空帷徒費金錢卜言語多參

差裏糧走一介郎病已瀕危使回得翁書知疾不可為  
此時少婦心驚痛裂肝脾生緣諒已淺泉壤庶長隨未  
及拜姑嫜尚闕廟見儀已婚猶在室長負父母慈心傷  
貌不改恐致家人疑倉皇投尺組畢命黃昏時夫死後  
一旬彼此不相知荀采書還陰引決翻嫌遲遠近傳節  
烈萬口同嗟咨古有華山畿但殉兒女私豈知死所天  
大義無瑕疵彤管紀貞芳天壤同昭垂

端陽後二日邀諸友草堂小集

連朝簫鼓息河濱好客相攜且論文日映花枝紅似火  
雨來樹影綠生雲眼中耆舊思常見世上諠呶願不聞  
鄉里只今誰扞護聊憑詩酒張吾軍

治圃次礫圃韻

編茅餘隙地塵外遠郊如老樹侵雲直新篁帶月疎  
藩籬分畛域煙火即村墟便欲栽瓜芋聊尋汜勝書  
閒門稀客到鳳字不須題曉露桐花落春風菜甲齊  
爭枝看啁雀樹柵隔鄰雞共指詩翁宅幽淡即灑西

張母陳太孺人貞節詩

閩解元張遠之母

閩海陳貞婦節義共姜徒綺歲失所天拊膺願捐軀仰  
瞻高堂上猶有暮年姑俯視懷抱中更有期歲孤隱忍  
且偷活血淚爲之枯家世本清貧朝夕自支吾何以膳  
我親典我嫁時襦何以補我屋賣我釵頭珠孤兒復善  
病晝夜泣呱呱似續懸一綫相依性命俱籲天請身代

詖蕩若可呼風巢兼雨戶長此鳳凰雛佔畢課經訓視  
聽戒陝輸的爍階庭下琪花秀一株事親力旣瘁撫幼  
心彌劬娥月悲掩曜中歲忽云徂有子羽翼成負米日  
馳驅痛念聖善母平生少歡愉禽鳥有反哺愧彼屋上  
烏勉思貽令名積學成鉅儒首折却詵桂行棄終生繻  
節孝理必昌天道果非誣 旌命下九閭 恩綸賁黃  
壚烏頭表雙闕照耀天南隅風烈昭彤管永爲後世模

夏旱述憂四首

炎歊匝地正如焚萬井焦原早罷耘電笑巖邊疑作雨  
風來樹杪只銷雲乾埃滾滾黏青草落日曛曛散赤氛  
詖蕩天門原自闢民勞可許綠章聞

通渠小艇絕經過坐視平疇槁穉禾太華直愁乾玉井  
層霄空望瀉銀河西郊雲斷三時雨東海潮慳一掬波  
安得天瓢攜在手便教揮灑遍滂沱  
攫金胠篋久縱橫天意還疑助沸羹尼運有期誰得免  
訛言無故只相驚一錢世逐錐刀重三尺人看性命輕  
老去豈堪逢患難腐儒祇是祝昇平

盜泉分酌苦殃民喜見神君丰采新月暗頻驚飛白弩  
時來便擬著黃巾輕刑但可沾新國除惡方能護善人

偉節好生公用殺千秋二賈並稱仁

東漢賈彪禁民棄

尸三盜魁於市民大悅  
賈公名樸北直故城人

### 題張漢昭小像

拘士營一隅達人隘九州紅塵蔽天壤奔走何時休朝  
市人所趨道路狹且稠爭門或詐指擊轂多傾軛何如  
處山林消搖百無憂張子澹蕩人家世豈留侯本是神  
仙姿飛夢入瀛洲今觀圖畫裏髣髴見風流崇嶺鬱嵯  
峨長松矯蒼虬雲氣如奔濤蒸涌巖端浮繽紛五色芝  
一僮筐可收中有餐霞人緩步正夸猶同遊偕二子倚  
石恣淹留寥寥蔣生徑賴有羊與求聞君妙方術六疾  
應手瘳昔者陶隱居華陽結層樓桐雷有遺編損益自  
勘讐濟物功既弘終登列僊儔君思躡員嶠把袖追浮  
丘煙墨何蒼茫想像洞壑幽誰能爲此圖或是顧虎頭  
不知天地間果有此境不十賚倘可邀吾願從君遊

雨牕小集次同年陸匪莪侍御韻

肯紆飛蓋到貧家  
牕紙新添當綺紗  
吾輩今宵仍綠酒  
幾人修夜掩青霞  
江淹恨賦鬱青霞之奇意入修夜霜之不暘謂崑濤心水西齋三同年  
螯澤竭無佳品  
籬菊叢荒失物華  
獨有庭前餘野草  
雨中歷亂臥殘葩

秋日集顧自申鹿樵溪舍觀芙蓉

野史亭開傍水涯  
直將秋豔鬪春華  
餐英未放籬邊蕊  
蘸影先看木末花  
黃葉半林通晚照  
丹輝隔岸映朝霞

潘岳芙蓉賦丹輝拂紅

涉江多少搴芳侶  
一種嘉名許並誇  
古詩芙蓉

即今芙蓉

謝公讌賞舊山莊  
載筆當年著辨亡

梅村先生有鹿樵紀聞一書勝

地半看淪宿莽曲池猶自簇鮮妝  
花憐赧頰如人醉  
芙蓉

佳者俗名三醉

客對秋林感鬢霜  
遺老風流餘綺麗  
酒闌指點

話斜陽

壽座主講學仇先生二十六韻

當代隆文治醇儒應運興  
飲爰占客夢枕膝得師承  
緝柳編春課燃松續夜燈  
微言繼鄒魯異學辨淄澠  
弟子橋衡肅先生講席升  
冥蒙開宿霧凝結泮堅冰  
說易排王弼談經折戴憑  
鴻都空自銜綿蕤漫相矜  
射策金門入修書玉署登  
宦情殊冷淡同輩早騫騰  
暫乞湖山假棲遲歲月仍  
請求無筆牘著述有籤滕  
餘興論詞苑長箋及少陵  
方耽鷗沼穩忽被鶴書徵  
仰望人情切便蕃

主眷膺碧山推學士黃髮備凝丞恬退官仍進超踰  
秩屢增承華資翊贊博望得賓朋光近前星耀榮瞻卿  
月昇傳家鸞掖重接武鳳毛稱矍鑠神長健冲虛量益  
弘顏丹老愈渥腰綬瘦還勝憶昔趨函丈頻看灑剡藤  
洪鐘雖許扣窺管竟無能敢躍龍門鯉忻隨驥尾蠅師  
恩慚報効祇是祝升恒

題王隨菴畫

天外煙巒點翠鬟秋林掩映屋三間此中安得移家住  
岫幌閒看遠近山

楓冷吳江落木天筆牀茶竈水牕前垂虹橋畔輕帆過  
便是元章書畫船

畫寫於吳  
江舟中

米貴

今年春夏交翠毯鋪滿畦一早連三月通流斷川谿窪  
土盡坼裂良田罷耕犁涉秋霑霖病葉稍萋萋謂足  
了官租佇望頻凝睇豈知秋露下禾頭不肯低玉粒竟  
何有僅長稗與稊空田噪飢雀落日氣慘悽常平預積  
粟本用恤災黎穀飛化為蠱曾不留糠粃官吏恣侵食  
穿穴久成蹊稻隴空雲水米價日升躋鍾釜裁入市爭  
糴互推擠抑價與遏糴此策古無稽秦粟曾輸晉魯飢  
仍乞齊有無不相通咫尺越燕睽窮民急升斗苦雨轉  
淒淒幼稚盈茅舍索飯門東啼霑體拾殘穗漉此數斗  
泥一飽有餘愧安敢厭鹽齏

次韻訓陸匪莪侍御

何妨作達任疎狂，蟻穴蜂衙爲庶忙。宦學半生殘夢短，山林一日小年長。讀書未厭撐腸飽，得祿聊須染指嘗。庭戶知君清似水，旁人共擬鄭公鄉。擬向江干理釣綸，東華悔踏軟紅塵。牽絲偶作影纓客，散髮曾爲擊壤民。日下簪珂多後輩，少年裘馬笑陳人。幸逢慧曉連坊巷，池上同看柳色春。

常熟張節母

婦于氏子張桂有學行

節孝兩大閑千古，不能踰天經與地維。賴此得撐扶於今，推禮宗琴川張母于盛年喪所天，寸腸裂如剗泉壤。願追隨奈此舅與姑子生方三月，懷中泣呱呱翁媪相

慰藉好爲撫遺孤，勉強延視息偷彈血淚枯。賣珠待補屋，易粟資辟纊。上養高堂親，下育襁褓雛。令子幸成立，卓犖爲名儒。尊璋復下世，毀絕得重蘇。竭力就含殮，辛苦自捋荼。行營卜新阡，高原正膺膺。纍纍成七丘，次第安黃墟。一身支百艱，孰謂非丈夫。有兒能色養，甘旨奉時須。晨昏不離側，願爲反哺烏。湯公旌節義，風教行三吳。烏頭表雙闕，焯爍照寰區。寶婺雖掩輝，芳聲不俱徂。東南山水秀，綽約多名姝。容華但自矜，貞行罕不渝。卓女朱家婦，吳蜀互擲揄。見蜀志張裔傳惟此節孝門閭里，共嗟吁。遺書教韋逞，殘扇泣張敷。子游文學鄉，流徽漸海隅。我詩不苟作用爲士女模。

寄題和州王氏五烈祠

王用賓妻尹氏王用賢妻杜氏王用聘妻魯氏王極

妻戴氏從女年並死於明崇禎乙亥獻賊之難

蘭鋤不改芳玉碎不渝潔君看歷陽王氏門彤管千秋  
傳五烈明季中原沸寇氛蔓延南北誰遮截石印山頭  
烽火驚孤城望援虺蜉絕殺人更肯留妻孥軟弱難將  
一死決豈知王家四婦兼一女引頸從容同殉節寧死  
乾淨土不死賊巢穴寧齒王家刀不膏賊刃鐵紛籍填  
渠總一門泉路相逢似與姪露尸三日色如生神護不  
許飛蠅蟻委地猶然姑射姿骨作梅檀體冰雪反顏易  
面多冠裳大義誰知出巾櫛只今祠宇鬱嗟峨共擷蘋  
蘩修薄醊祠畔靈旗風肅然杜鵑月夜聞啼血

憂時

茅屋家家各罄懸蒿萊極目遍良田充腸無復桃花米  
騰價空持苻葉錢爭糴人多喧小市生塵釜冷斷炊煙  
微聞秔稻從東去轉海雲帆別有船

流言入耳總心驚擾擾終難慰物情何處深山無虎跡  
即看大澤有狐鳴催科裁下蠲塘沸 恩命初頒雀鼠  
爭只合杜門常避事餘年惟望泰階平

然

年家子楊位凝家貧出遊不遂大困而歸爲之愴  
嗟子貧何甚蕭然破屋棲尚聞投杼母豈有下機妻雨  
雪衣裘薄風塵面目黧窮途更何適悔到雪川西



俗薄宜安坐家貧難掩扉裹糧三月計垂橐一舟歸葛  
帔孤裝冷綈袍客路稀艱難同此世莫道故人非

恭紀 特恩蠲租次匪莪韻

不用司農費酌量 恩綸忽自九天翔便忘湯代恒暘

烈惟覺堯天化日長 莫曆未更先給復蠲明葭灰漸動

早回陽時在冬遍看黃紙懸街市萬口喧喧喜欲狂

側席憂民賴 聖謨殊恩汪濊古今無禹邦猶自分三

壤漢代應慚減半租印匣有塵閒案牘石壕無吏息追

呼靈長 皇祚知無極底事陰謀尚有徒

紀異

海島憑依似有因細聽風鶴總非真絳中袜首仍田父

繡鬢衷衣似婦人賊多掠婦人衣服之野鼠群多俄自舞妖狐歲

久亦能神幸逢海宇昇平日吾里何緣震虢頻

文武封疆有重臣運籌須早息烽塵牙旗玉帳軍容盛

紅粟朱提轉餉頻未見隄防能豫備惟修宮館待 時

巡草茅何預安危事賈誼憂深在積薪

雪中會錢再亭京兆葬

席帽追陪憶往年榮華一夢散如煙誅辭好倩中郎筆

薄俗誰誇京兆阡京兆阡見漢書原涉傳寶劍終虛季

子諾輜車似待巨卿前臨風添得衣冠縞酌酒偏逢雨

雪天

彤雲慘澹助淒涼感舊懷人意倍傷抗疏威稜推二鮑

謂葭湄 侍郎 尹京風烈繼三王黃雞唱曉催歸速白馬流蘇  
會送忙偏是故鄉車過處雙鳳為予故里九原宿草正茫茫



一 第 一

東江詩鈔卷第九



